



Broj: 01-02-5980/21-15
Ilidža, 23.12.2021. godine

Na osnovu člana 27. Zakona o lokalnoj samoupravi ("Službene novine Kantona Sarajevo" broj 22/00-Prečišćeni tekst) člana 86. Statuta općine Ilidža ("Službene novine Kantona Sarajevo" broj 33/10-Prečišćeni tekst, 18/16) a u skladu sa članom 3. stav (1) tačka e) Zakona o finansiranju političkih stranaka („Službeni glasnik Bosne i Hercegovine“ broj 95/12, 41/16) Općinsko vijeće Ilidža na 9. redovnoj sjednici održanoj dana 23.12.2021 donijelo je

ODLUKU
O NAKNADAMA OPĆINSKIM VIJEĆNICIMA, PREDSEDNICIMA KLUBOVA VIJEĆNIKA,
ČLANOVIMA KOMISIJA OPĆINSKOG VIJEĆA, ČLANOVIMA SAVJETA MJESNIH ZAJEDNICA
I FINANSIRANJU PARLAMENTARNIH GRUPA I SAMOSTALNIH VIJEĆNIKA OPĆINSKOG
VIJEĆA ILIDŽA.

Član 1.
(Predmet)

Ovom Odlukom utvrđuje se pravo na naknadu troškova, odnosno izgubljene zarade općinskim vijećnicima, predsjednicima klubova vijećnika, članovima komisija Općinskog vijeća, članovima Savjeta mjesnih zajednica i finansiranju parlamentarnih grupa i samostalnih vijećnika Općinskog vijeća Ilidža i druga pitanja za ostvarivanje navedenih prava.

Član 2.
(Visina naknade općinskim vijećnicima)

Općinski vijećnici za svoj rad u Općinskom vijeću imaju pravo na naknadu troškova, odnosno izgubljene zarade i pravo na naknadu troškova, odnosno izgubljene zarade i pravo na naknadu troškova koji nastanu u vršenju funkcije vijećnika u garantiranom mjesečnom iznosu isplate u visini od 50% od jedne prosječne neto plaće u Kantonu Sarajevo po podatku za zadnji mjesec prethodne godine, kao i pravo po osnovu socijalnog osiguranja ukoliko to pravo ne ostvaruje po drugom osnovu, a prema uslovima dobrovoljnog osiguranja.

Član 3.
(Visina naknade predsjednicima Klubova vijećnika)

Predsjednici Klubova vijećnika imaju pravo na naknadu troškova odnosno izgubljene zarade u garantiranom mjesečnom iznosu isplate u visini od 20% u odnosu na paušalni iznos naknade vijećnika iz člana 2. ove Odluke.

Član 4.
(Visina naknade članovima komisija Općinskog vijeća)

Predsjednici i članovi Komisija Općinskog vijeća imaju pravo na naknadu troškova odnosno izgubljene naknade u garantiranom mjesečnom iznosu isplate u visini od 7% od jedne prosječne



neto plaće u Kantonu Sarajevo po podatku za zadnji mjesec prethodne godine za mjesec u kojem nastanu troškovi, odnosno u kojima dođe do izgubljene zarade.

Član 5.
(Visina naknade članovima Savjeta mjesnih zajednica)

Predsjednici Savjeta mjesnih zajednica za svoj rad u savjetima mjesne zajednice imaju pravo na naknadu troškova, odnosno izgubljene zarade u garantiranom tromjesečnom iznosu isplate u visini od 14% od jedne prosječne neto plaće u Kantonu Sarajevo po podatku za zadnji mjesec prethodne godine, a članovi savjeta u garantiranom tromjesečnom iznosu isplate u visini od 7% od jedne prosječne neto plaće u Kantonu Sarajevo po podatku za zadnji mjesec prethodne godine.

Član 6.
(Usklađivanje visine paušalnih iznosa naknada)

Usklađivanje visine paušalnih iznosa naknade iz člana 2., 3., 4. i 5. ove Odluke vrši se jednom godišnje, u mjesecu u kojem je objavljen podatak o prosječnoj neto plaći u Kantonu Sarajevo za zadnji mjesec prethodne godine.

Član 7.
(Finansiranje parlamentarnih grupa)

- (1) Parlamentarne grupe su političke stranke, koalicije i liste nezavisnih kandidata koje su na lokalnim izborima ostvarile mandate u Općinskom vijeću Ilidža.
- (2) Raspored sredstava parlamentarnim grupama vrši se na način da se 20% ukupnih sredstava planiranih u budžetu općine za finansiranje parlamentarnih grupa rasporedi u jednakim iznosima na sve parlamentarne grupe, a 80% srazmjerno broju vijećničkih mandata, koje je svaka parlamentarna grupa ostvarila na lokalnim izborima.
- (3) Parlamentarna grupa iz koje u toku trajanja mandata u Općinskom vijeću istupe svi vijećnici, prestaje da se finansira u skladu sa ovom Odlukom počev od prvog narednog mjeseca po istupanju posljednjeg vijećnika iz te parlamentarne grupe.
- (4) Ukoliko parlamentarna grupa do kraja mandata Općinskog vijeća ponovo postane parlamentarna dodjelom mandata od strane Centralne izborne komisije Bosne i Hercegovine, nastavlja se finansiranje te parlamentarne grupe na način propisan stavom (2) ove Odluke i to počev od prvog narednog mjeseca od dodjele mandata vijećniku.

Član 8.
(Finansiranje samostalnih vijećnika)

- (1) Ukoliko u toku mandata vijećnik istupi iz parlamentarne grupe, parlamentarna grupa će se nastaviti finansirati u skladu sa članu 7. stav (2) ove Odluke.
- (2) Ukoliko nastupe okolnosti iz člana 7. stav (3) ove Odluke sredstva koja su pripadala parlamentarnoj grupi isplaćuju se na račun samostalnog vijećnika srazmjerno broju samostalnih vijećnika.
- (3) Samostalnom vijećniku iz stava (2) ovog člana sredstva se isplaćuju u skladu sa zakonskim propisima i obračunavaju se u „bruto“ iznosu, te se samostalnom vijećniku nakon obračunatih i uplaćenih poreza i doprinosa na račun vijećnika isplaćuje „neto“ iznos na „ruke.

Član 9.
(Umanjenje naknade općinskim vijećnicima)

- (1) Vijećnik koji prisustvuje sjednici Općinskog vijeća ostvaruje pravo naknadu u iznosu utvrđenom



u članu 2. ove Odluke.

- (2) Ukoliko je vijećnik opravdano odsutan sa sjednice Općinskog vijeća dužan je u pisanoj formi najkasnije u roku od 2 (dva) dana od dana održavanja sjednice Vijeća opravdati svoje odsustvo sa odgovarajućom dokumentacijom predsjedavajućem Vijeća i u tom slučaju ostvaruje pravo na naknadu u iznosu utvrđenom u članu 2. ove Odluke.
- (3) Ukoliko vijećnik ne opravda svoje odsustvo sa sjednice Vijeća na način propisan u stavu (2) ove Odluke ostvaruje pravo na naknadu u iznosu od 7% od jedne prosječne neto plaće u Kantonu Sarajevo.

Član 10.

(Ostvarivanje prava na naknadu za rad u Komisijama)

Predsjednici i članovi Komisija Općinskog vijeća ostvaruju pravo na naknadu iz člana 4. ove Odluke ukoliko prisustvuju sjednicama Komisija.

Član 11.

(Stručna služba za poslove Općinskog vijeća)

- (1) Naknada iz člana 2., 3. i 4. ove Odluke isplaćuje se na osnovu evidencije Stručne službe za poslove Općinskog vijeća o održanim sjednicama i prisustvu vijećnika, predsjednika Klubova vijećnika i članova komisija Vijeća, koju Službi za finansije na kraju mjeseca dostavlja predsjedavajući Vijeća.
- (2) Naknada za rad u Komisiji za rješavanje zahtjeva za dodjelu novčane pomoći teško oboljelih lica i jednokratne pomoći ženama za sufinansiranje troškova medicinski potmognute oplodnje isplaćuje se na osnovu evidencije o održanim sjednicama i prisustvu članova Komisije koju Služba za rad, socijalna pitanja, zdravlje, izbjeglice i raseljena lica na kraju mjeseca dostavlja Stručnoj službi za poslove Općinskog vijeća.

Član 12.

(Stručna služba za koordinaciju rada mjesnih zajednica)

Naknada iz člana 5. ove Odluke isplaćuje se na osnovu evidencije o članovima Savjeta mjesnih zajednica koju Službi za finansije po isteku 3 (tri) mjeseca dostavlja Stručna služba za koordinaciju rada mjesnih zajednica.

Član 13.

(Obaveze vijećnika, članova Komisija i političkih stranaka)

- (1) Vijećnici, članovi Komisija i političke stranke u Općinskom vijeću dužne su Stručnoj službi za poslove Općinskog vijeća dostaviti na početku mandata potvrde iz banaka o otvorenim računima kao i obavjesti o svakoj promjeni koja nastane u toku trajanja mandata Općinskog vijeća.
- (2) Vijećnik koji u toku mandata postane samostalni vijećnik dužan je u pisanoj formi obavjestiti Stručnu službu za poslove Općinskog vijeća i Službu za finansije.

Član 14.

(Služba za finansije)

Služba za finansije vrši obračun rasporeda sredstava za finansiranje parlamentarnih grupa i samostalnih vijećnika u iznosima i na način propisan članom 7. i 8. ove Odluke.

Član 15.

(Sredstva za realizaciju Odluke)

Sredstva za realizaciju ove odluke obezbjeđuju se u budžetu općine Ilidža.



Član 16.
(Prestanak važenja Odluke)

Danom stupanja na snagu ove odluke prestaje da važi Odluka o visini paušalnih iznosa naknada za rad općinskim vijećnicima, članovima komisija Općinskog vijeća, predsjednicima i članovima Savjeta mjesnih zajednica i finansiranju parlamentarnih stranaka Općinskog vijeća ilidža („Službene novine Kantona Sarajevo“ broj 47/13 - Drugi prečišćeni tekst).

Član 17.
(Objavljivanje i stupanje na snagu)

Ova odluka stupa na snagu osmog dana od dana objavljivanja u „Službenim novinama Kantona Sarajevo“ a primjenjuje se počev od 01. 01. 2022. godine.

PREDSJEDAVAJUĆI

Tarik Stambolić, magistar poslovnog prava

DOSTAVLJENO:

1. Općinski načelnik
2. Služba za finansije
3. Stručna služba za koordinaciju mjesnih zajednica
4. Služba za rad, soc. pitanja, zdr., izbjeglice i ras. lica
5. Stručna služba za usklađenost, integritet i kontrolu kvaliteta
6. Političkim partijama(putem maila)
7. Vijećnicima (putem maila)
8. Komisijama Općinskog vijeća (putem maila)
9. Savjetima mjesnih zajednica putem Stručne službe za koordinaciju mjesnih zajednica
10. Za objavu „SNKS“
11. Evidencija
12. a/a

